



04953

鏤冰詩鈔

環洲後集目錄

玉環篇

登東山眺日與野人閒話有作

滄洲行

再對玉環庭梅有咏

復任玉環二首

暇日三首

鏤冰詩鈔

卷四

玉環雜詩十二首

嚴灘

七里瀧弔謝臯羽

過楚門渡

泛海抵温州有作

除夕

立春

元夕臨海道中作



太平道中

暮春黃巖道中

山陰舟中

初度酬友人韻二首

早秋

重九

高閣

遊江心寺

鏤冰詩鈔

卷四

二

斑竹村

臨海舟中

苦雨二首

雨不止

擬遊雁山

雁山

和浦聲之西齋元韻

憶家山爲別魏子賦

栽松

蟻磯孫夫人祠和韻

前題次友人韻

和西楚霸王廟韻

上潘撫軍

鄉人至十首

途中卽事

秋日舟中

鏤冰詩鈔

卷四

由溫溪迂道至杭漫成

仙人掌生花二首

買菊二首

訪菊二首

載菊二首

探梅

晚晴

爲圃

燕

白燕

述懷十首

瓜期

聞遷報

交盤口占

玉環行

鏤冰詩鈔

卷四

四

玉環行

交盤口占

聞遷報

瓜期

述懷十首

白燕

燕

鏤冰詩鈔

環洲集

後

玉環篇

易水單鈺著

玉環之山山如環蜿蜒出沒滄溟間黃茅綠竹天爲
屋翠巘蒼巖互迴伏竭來昂藏醉司馬吟哦終日梅
花下胸懷磊落性全迂宦途十載徒崎嶇風雨重陽
日慘淡巨鰲鬣屬神山撼島嶼仙翁矯翼飛魚蝦細
碎恣吞啖側身遠望嘯復歌覆雨翻雲奈若何

鏤冰詩鈔

環洲集後

登東山眺日與野人閒話有作

羣山海外如奔濤蟠迴起伏龍蛇驕荒城司馬老好
事時跨其脊凌其腰偶招野人坐覩縷賢愚不辨任
所遭人言海中盛蜃氣吞吐樓閣如生綃城郭人馬
幻可數倏忽變滅隨流漂又言有物名鯨鯢搏擊波
浪恣貪饕近島蝦蟳悉吞噬隔川魴鯉將遁逃嗚呼
域中惟海大千奇萬怪靡弗包至人守正存不論毋
相炫惑生啣嘈就中吾獨愛初日將升復落遮鯨潮

倏然騰躍一千丈萬卉煦嫗羣陰銷醉邀野客飲山
頂俯視一切如鴻毛長吟短咏隨意得氣壓滄海雜
風騷任爾長官笑不達逝將去汝誰能招漢陰丈人
自抱甕安事俯仰如桔槔

滄洲行

滄洲醉客髮皚皚獨上東山望溟海洪濤萬里灑無
極鴻濛一氣含真宰聞道中有三神山雲烟飄渺倏
忽間金宮銀闕互虧蔽丹虬白鳳相周旋騎龍跨鶴

鏤冰詩鈔

環洲集後

二

古飛仙赤松手拍洪厓肩紫芝碧藕出瑤圃交梨火
棗垂瓊田嗟余作吏風塵裏此生蹉跎真已矣長官
箕踞任笑罵吏頑民梗勞鞭箠坐令才盡廢吟哦折
楊黃荇都鄙俚安得槎乘銀漢津黃姑織女不吾嗔
安得垂釣重淵濱一舉巨鰲連千斤不然高舉如黃
鵠飄然解組脫簪紳不然沈淪如姜肱十徵九舉不
能親胡爲終日沉吟學子牟懷抱鬱鬱無繇伸

再對玉環庭梅有咏

世事苦紛糾宦拙愁潦倒敲杖倚空庭朔風吹清曉
眼明墻東隅絕代窺窈窕疑從姑射峰謫墮來海表
歲暮百卉腓山遙霜霰早芳蘭一闕馨孰能比娟好
逸韻足蕭騷松髯遜蒼老翠鳥任啁啾精神自雪澡
矯然絕攀援獨立向穹昊嗟余強項人耐久傾懷抱
憶初目成時唐突霜毫掃已感歲華馳况滋離憂憫
急復屏囂塵巡簷百迴繞

復任玉環

鏤冰詩鈔

環洲集後

三

華髮肩輿暗自驚脚

恩重守海隅城長鯨浪息帆檣穩初日晴開島嶼明鳥轉
林巒嬌似訶山披雲幄笑相迎却愁無以酬

高厚茹蘖空懷夙夜情

三年看盡海中山又叩烟蘿啟故關報績全憑天眷
篤還鄉獨愧髣毛斑身如旅雁棲難定心似眠蠶老
未閒細向交親陳往事幾回驚詫動衰顏

暇日

暇日獨登樓
茫茫動客愁
城虛如曠野
山迥似孤舟
瘠地惟生竹
荒田好下鷗
云何彈丸地
却比愛揚州
憑高極曠覽
縱目一蕭然
荒徑開圭竇
寒潮逼渚田
漁村門晒網
鹽竈夜炊烟
無限蒼涼色
吟哦寓客傳
萬里滄溟岸
三家島嶼村
颶風添雨疾
駭浪併潮翻
安集謀何在
更張令戒煩
何由覩碩畫
一爲息囂喧

玉環雜詩

南宋曾繁庶
荆榛未復初
開尊誇白酒
入市重黃魚

鏤冰詩鈔

環洲集後

四

蔓草時遮徑
頑雲自繞廬
此邦堪吏隱
無待更躊躇
開闢初成邑
蕭條歎里民
登高唯見水
入臘早疑春
笑與烟霞近
真將魚鳥親
知交清切地
誰念海濱人
東南天盡處
荒島入潺湲
窺海浴朝日
看雲歸遠山
潮平漁網集
風急賈船還
不爲甘陳拙
幽竒詎許攀
正訝連山斷
遙通水一方
雞豚分後圃
竹樹列前岡
垂釣兒童戲
移花老叟忙
何如城市裏
膠擾利名場
遺跡蒿萊久
驅除阡陌開
塘田分浦水
竈坦界蘆灰

潮落知漁市旗翻識戍臺幸逢邊徼靜登眺任徘徊
漸看荆棘闢到處茂桑麻半嶺官民舍前溪漁釣家
蕭蕭荒徑竹淡淡晚秋花飽飯惟閒卧無勞放晚衙
寂寞新開邑青衫鬢已皤招徠只鴈戶圍繞但鯨波
愛日詩兼酒懷人嘯共歌無才甘任運詎敢怨蹉跎
真美開衙地蒼茫繞巨洋漁樵分部屬島嶼劃封疆
地僻堪容傲官閒可放狂蟲魚多異品時共野人嘗
展復亦云久如何尚黯然堤橫潮隔浦山缺海成田

鏤冰詩鈔

環洲集後

五

鳥道幽還曲人烟散不連惟餘東望水浩渺嘆無邊
奔雲勢蓬勃初日色蒼涼駭浪騰龍子迴風掠鴈王
一塵窺島嶼片葉散帆檣極目滄溟濶遙天接混茫
山環堆疊翠城郭界南荒新闢桑麻地依然雲水鄉
登樓眺大海扶杖送斜陽未遂飛騰意徒嗟鬢髮霜
飄零感萬端窮島滯微官海氣連天暗潮聲入夜寒
微吟瞻斗柄無寐倚闌干安得晨風似凌空刷羽翰

巖灘

春雨濛濛四山沒刺眼梅花爭雪白嚴陵人去已千
秋嚴陵之灘名尚留官驅瘴海愁鮫鱷扁舟夜向嚴
灘泊我本雷溪一釣徒悠然夢裏漁竿樂

七里瀧弔謝臯羽

大厦難將一木支乾坤莽莽欲焉之吟歸越國羈棲
苦夢入燕雲涕淚垂填海難消精衛恨啼春惟有杜
鵑知竹如意碎孤墳在誰種冬青樹一枝

過楚門渡

鏡冰詩鈔

環洲集後

六

屢向江邊問楚津飛鴻爪跡亦前因夢魂空繞林中
樂肺腑真收海外春道路崎嶇惟聽鳥峰巒合沓罕
逢人涉川慙我非舟楫笑領烟霞到眼新

泛海抵温州有作

盛代聲靈極遠疆方舟直抵海中央晴波碧映遙天色曉
霧紅含旭日光幾點蒼山分島嶼一行征鴈伴帆檣
此生可許饒忠信晏坐船頭命巨觴

除夕

荏苒天涯又歲除。髣邊霜雪任蕭疎。客懷無奈還耽
酒。鄉思依然懶寄書。故事竹聲喧夜永。新愁梅影照
牕虛。身輕須是離官縛。七字吟成緩步餘。

立春

新陽葭管已飛灰。旭日和風應律迴。海徼荒涼稀剪
綵。天涯孤寂一傳杯。春盤欸客思生菜。青眼窺人對
早梅。知有青陽方發動。催花雨裏聽驚雷。

元夕臨海道中作

鏤冰詩鈔

瓊州集後

七

馳驅

王事奈如何。屈指元宵客裏過。新月偏當孤玩好。春燈一
任借看。多年衰節。屆難尋樂遊。倦愁來會放歌。明日
計程饒勝槩。赤城霞起滿山阿。

太平道中

料峭風寒水半冰。蕭蕭僕馬幾曾停。山含薄霧蒼顏
老人傍。梅花倦眼醒。軟節難拋。鄉國夢嚴程。細數短
長亭。北來雲樹重遮日。嘹唳孤鴻不忍聽。

暮春黃巖道中

九十春光望裏收，巖疆憑眺意悠悠。
平郊樹禿蠶將老，陂岸香生麥欲秋。
綠竹青帘沽酒舍，一竿雙槳釣魚舟。
肩輿何事空馳逐，鎮日風塵愧野鷗。

山陰舟中

碧波容與剡溪路，春日融和卯色天。
遠樹乍明梅欲放，平沙半軟鷺初眠。
依微樵唱乘山月，欸乃漁歌隔浦烟。
却笑勞人無好緒，一燈篷背對陳編。

鏤冰詩鈔

環洲集後

八

初度酬友人韻

小堂花艷酒初行，冗長慙無赫赫名。
拂座風迴香篆古，濯枝雨滴竹聲清。
身依荒島鼉鼉狎，夢繞家山猿鶴迎。
碌碌迷途曾未覺，還將貞吉憶先庚。

借箸推君幕裏賢，又勞清淺說真仙。
人間不朽非無事，天下長存詎繫年。
無意片雲晴慢卷，會心高鳥暮飛還。
生平只欠盧敖杖，夙夜空懷祖逖鞭。

早秋

西橫銀漢海天秋露濕蒹葭客思悠幸少砧聲敲地
角却多雁陣掠峰頭黃花一朶誰持贈白酒三杯自
獻酬坐對寒空不知曉昵他丹碧染林邱

重九

天高雲薄淨秋暉露重霜輕島嶼微逐隊幾人還落
帽驚心有客自沾衣樽前瘴海黃花酒夢裏烟蓑白
鷺磯細把茱萸不成醉蠻鄉十載素心違

高閣

鏤冰詩鈔

環洲集後

九

高閣登臨客思哀海天何處是蓬萊千山浪鼓鯨鱗
動萬里風搏鵬背來顧我一身真斷梗憐誰噩夢戀
枯槐瀛壺縹緲人難到潦倒空餘濁酒杯

遊江心寺

中川留勝蹟孤嶼砥驚濤雲散千樟立潮迴雙塔高
孱君憐駐蹕詞客憶揮毫誰信滄桑後登臨半野蒿

斑竹村

行役芳時倦山高眺望賒和風傳野竹春色入溪花

水出文魚穴枝遷好鳥家擬將老藤杖隨地覓烟霞
臨海舟中

他鄉驚節換難遣是羈情客倚愁中卧舟牽夢裏行
山迴依岸轉雨過逐風清安得辭簪紱樵漁續舊盟
苦雨

敝裘時復著薄暮自生寒南國天疑漏三春月未看
鳩鳴爭樹杪蛙語聒闌干况有蛾飛慮陂陵刈穫難
造物緣何意春過未肯晴垂欄花懊惱侵竈水縱橫

鏤冰詩鈔

環洲集後

十

不寐聽簷漏驅愁對石枰何由決長劍一掃霧雲平
雨不止

鍊石誰能補高天漏未央披衣從玉女健舞念商羊
菌耳生枯樹苔痕上短墻擁書聊引睡蝶夢轉飛揚
擬遊雁山

老病衰遲興未刪幽探自許破天慳五尊羅漢曾遊
地一行禪師劃戒山瀑布直通霄漢迥石梁高架碧
雲間安能了却公家事繫札芒屨破月攀

雁山

十八名藍次第分烟巒洞壑入氤氲展旗卓筆矜奇
絕架海含珠得異聞極勝龍湫龍鼻水最幽雁宕雁
峰雲其餘悉作兒孫俯一任蒼茫列紫氛

和浦聲之西齋元韻

憶昔卧衡門夢到華胥國何當瘴海來炎暑愁偏仄
龜兆坼平田雁戶生菜色拜跪禱幽靈迴天藉神力
朝昏膝再屈曾不一錢值悶極爲題詩儒術豈緣飾

鏤冰詩鈔

環洲集後

十一

念子嘉禾秀無端棲枳棘鸞鳳鬱儀形山嶽仰矜式
詎煩瑤華音刻畫蟲聲啣骨格旣老蒼點染麗以則
具此曠逸材奈何困家食志士念後凋高才驚先得
嗟嗟眼中人怒飛佇鵬翼

憶家山爲別魏子賦

八年憶與郎山別猿鶴山中想幽咽天風吹去復吹
來離愁銷盡肝腸鐵聿來天涯晤故人連床夜話洗
行塵衙齋蕭瑟苦卑濕那得歸山自怡悅憶昔家園

坐對山山中空翠遙可攀手汲清泉煮雀舌野鶴孤
雲時往還倏忽十年羈髻雪案牘海邦日糾結中心
慙轉轉無聲崎嶇眼底何繇平行路之難古如此悔
不雷溪釣烟水

栽松

我昔卧遊黃山巔虬龍天矯拏雲烟欲致一株修途
艱幾回寤寐愁心顏還海幽巖乍躋攀忽聽玉骨聲
珊珊雙柯凌厲根微卷紛披毛髮搖霜天瑰竒礪柯

鏤冰詩鈔

環洲集後

七

發孤妍撫摩經時久盤桓良朋契濶獲周旋抉泥破
塊謀移遷平頭奴子荷雙肩淋漓雨汗唇舌乾陰陽
相度向背安依稀庭院來秦官青幢碧蓋嗟峨冠令
我神明肅穆寒急覓竒石夾噴阮繫以赤繩枝柯牽
瓶甕灌溉吸清泉托根要令靜以專引風藏雨精神
全濤聲細瀉如驚湍一雙白鶴來翩躚更邀好月籠
微烟君不見紫桑主人琴無絃陶然忘忘形三徑間結
社山中有白蓮我欲從之縛塵緣松兮松兮爲我揮

塵解糾纏松兮松兮爲我抱樸共貞堅芝聚龍鱗三
千年風霜不改壽倥侗

蟻磯孫夫人祠和韻

鼎足雄圖泯危磯廟貌存驚波接巫峽寒浪下荆門
雲叫離羣雁山號失木猿蒼梧愁帝女應共夜深言
前題次友人韻

奕奕英風在荒祠對水湄三分爭割據同穴怨乖離
血淚思斑竹哀鳴聽子規如何一代傑猜忌到官帷

鑊冰詩鈔

環洲集後

三

和西楚霸王廟韻

五年成霸業一戰倒秦戈何背鴻溝約翻成垓下歌
天心原厭亂人力欲如何千載烏江上酸風捲白波

上潘撫軍

自分迂疎乏片能漫邀青吟荷裁成聞雞中夜愁難
舞養鶴三年愧不鳴潦倒風塵誰別榻招邀湖海舊
同盟也知散吏緣慳淺空向遙天望月明

鄉人至

怪得官齋鵲噪頻。海天忽接故鄉人。通名遠道初疑
誤。論舊當年却信真。剪燭中宵談往事。停杯小院洗
行塵。君歸話我青衫。况贏得霜華入髻新。

官場况味舊曾諳。說與良朋祇益慚。局促真同轅下
馬。抽絲誰惜釜中蠶。拾遺詩歎百無補。中散書陳七
不堪。詎比漁樵山水客。閒尋風月任幽探。

玉環風景好重吟。日早天長水四鄰。橋轉輪贏傳買
客。田分醜淡辨農人。地瓜秋綻深脂色。溪鯽春凝淡

鑊冰詩鈔

環洲集後

西

墨紋最重省耕勤。勸相家家鹽米荷深恩。

謾把窮荒向客誇。收將風味足烟霞。千層碧浪風翻
麥。一片黃金菜綴花。布穀閒鳴當逕樹。彈塗時躍傍
溪沙。閒來乘興尋幽處。無限詩懷倚日斜。

寂寞新疆濫舊名。試談景物爲君聽。塙編蒲葦荒村
冷。潮上魚鰕晚市腥。粧綴圓環留墮髻。病搖羌鼓誦
蠻經。時時颭颭風狂起。吹入羈人髻易星。

自笑饑驅到海邊。鬢鬢霜雪漸盈顛。山因嚙浪岩砧

磳樹爲當風。翰曲拳。苦益民依疑。似鳥吟。哦吏慣。誚如蟬。謾言掛月浮春舸。長切瞻雲倚遠天。

瀕海孤城縹緲間。秋容聊足慰衰顏。幾行雁寫風中。昔恩字一點螺浮浪裏。山坐石漫揮雲葉碧。開樽頻就菊花斑。憑高目斷炊烟處。竹架團蕉倚白藺。

寒戀重衾曉夢長。櫺櫺日色透晨光。所欣地僻容高。卧却笑微官似夜郎。例事重門鳴鼓角。頭銜兩郡署封疆。人生適意元疎放。吏隱居然水一方。

鏤冰詩鈔

環洲集後

五

憶昔英年策治安。忽成樛櫟歎衰殘。孤情祇合羈荒島。青眼誰能盼冷官。醉倚溪聲敲枕聽。晴當山色捲簾看。擬將吟咏供遲暮。不向扶搖羨羽翰。

蓬轉孤根到海涯

君恩深處敢忘家。邇來右臂疑生柳久矣。雙眸解有花事。簡琴書容在榻地。偏簫鼓許開衙。從今知免他鄉感。細數歸期已及瓜。

途中卽事

馳逐長途日又曛却憐梵宇絕塵氛僧迎勞客煎團
露人卧禪林掃片雲風遞妙香經半展月添秋色夜
平分朝來愁踏山溪路到耳鯨鐘已倦聞

歐陽秋曰舟中

扁舟何事日西東勞宦蹉跎似轉蓬鴻雁排天仍晚
陣鯉魚吹鬣又秋風披襟朗對山間月敲枕吟同草
際蟲自分衰殘餘白髮好憑杯酒借顏紅

由溫溪迂道至杭漫成

鑣冰詩鈔

環洲集後

六

春風駘蕩春日長溫溪撥棹山開張探竒攬勝石門
洞千盤萬折藏平陽捨舟倚杖陟高嶺半空身入窮
微茫却金遺館坐嘯咏風清月皎神飛揚馬遷文章
故竒縱昭彰跌宕生激昂胡爲鬱鬱坐公府徒成軟
媚譏聾盲嶺下川原漫平曠一邱一壑輸雄強嚴子
灘頭舊遊歷溪山大笑勞人忙杯酒久經互酬唱三
載一別幾遺忘泉石應接目難給如逢故友傾琳瑯
何當投劾拂衣去高蹈五岳尋雲房

相將憐耐久。短艇儼疎籬。篷背霜還傲。船頭月更宜。
影隨孤棹迴。香泛夜杯遲。書畫蕭騷外。閒情寄一枝。
携得霜中契。來從蓼岸行。寒香孤榻迴。秋色片帆明。
映水容分瘦。鳴榔韻共清。隨時幽意得。日夕句堪賡。

探梅

寂寞官衙伴。寒梅日幾尋。猶然花萼歛。似待雪霜深。
海國他鄉感。天涯歲暮心。孤芳何自賞。相對撫清琴。

晚晴

鏤冰詩鈔

環洲集後

六

霧斂雲消晚氣清。眼前風物足關情。邀將鏡月初開。
匣護得籬花早放。英斫玉盤行。蟄地筍剖金香散。飽
霜橙。官衙事簡堪容傲。醉倚繩床更洗罌。

爲圃

隙地學爲圃。勞人不耐閒。嘉蔬宜灌溉。非種待鋤刪。
春酒綠千葉。秋菘碧一灣。休嗟才力健。還爲破愁顏。

燕

社燕依時至。懸簷作屋牢。似安官舍冷。不避海風高。

次第啣花急。呢喃哺子勞。主人知護惜。捕捉戒兒曹。
白燕
怪爾天生毛羽奇。堂荒王謝欲何之。穿花紫背應相
忌。掠水烏衣定見疑。坐處寒光團絮雪。飛時素影曳
冰絲。雕梁只恐難牽繫。鷗鷺秋江舊有期。

述懷

破浪恨生平。荒城鬱客情。民貧緣歲儉。吏懶賴時清。
展復官衙贅。裁留吏議更。何堪久住此。雪刺髭毛生。

鏤冰詩鈔

張洲集後

九

孤城如斗大。屏幙四山遮。樹影當窻轉。峰陰落院斜。
偕遊饒鹿豕。托興足烟霞。定擬清秋後。還浮天外查。
薄宦十三載。遊踪任夙因。溪山疊主客。魚鳥互交親。
對酒招鳩婦。揮絃送雁賓。總然理民社。不改舊清貧。
一片崎嶇地。驚濤萬里來。冬初梅已放。秋盡菊方開。
晚市籠鰕蟹。朝耕闢草萊。貧民真朴直。長吏莫相猜。
荒州原棄土。司馬亦閒官。千里嶼風起。一城茅屋寒。
開衙傍空翠。垂釣向驚湍。且喜無塵事。吟成片月殘。

不到南溟地安知海外愁
盲風如驟馬怪雨過犇牛
商賈依舟楫漁樵傍島洲
屋卑覆蘆荻出入叫低頭
海上亦何適青衫戀不歸
潮連城郭動雲掠戶庭飛
入夏愁風烈當秋慮雨稀
顛毛看種種老懶欲誰依
誰道荒涼地依然是長官
船亭恣笑傲海月入盤餐
風急鰈行雨波明蚌吐丹
雲烟最深處疑有客驂鸞
漫擬乘槎好還乖舫趁風
路遙金竹北地盡木榴東
人帶烟霞氣城連蛟蜃宮
盤餐多異狀倩客注魚蟲

鑊冰詩鈔

環洲集後

二

昔號逋逃藪今成秔稻鄉
山形連雁宕海色接驪洋
捍衛環屏重營屯犄角張
承平幸無事化日喜舒長

瓜期

瓜期在再代何緣自愧迂
疏亟避賢身似野雲難遽
隱心如止水不關禪簾垂
清晝緜細帙杖倚斜陽聽
瀑泉寄語後來良郡佐劉
寬示辱有蒲鞭

聞遷報

迂疎何補

聖人朝又濫雙旌五馬驕
冰蘖肯教弛念慮袴襦幾聽入
歌謠相憐琴鶴還爲伴到處雲霞坐可招
漢代循良常自勗敢希姓氏

御屏標

交盤口占

喜愠翛然慕子文三年更代一番新
希存舊政傳成案祇有遺思繫遠民
淡水養田堤拒海黃茆縛屋住無鄰
招徠安集勞籌策撫字還需惠愷人

鏤冰詩鈔

環洲集後

三

玉環行

玉環興廢豈偶然中有定數由於天
木榴地肺始何代名以形賦猶相沿
紹興以前渺莫考文殘獻缺慚
粿粿人民繁庶屬南渡十朋遺咏勞
鑿鑿監地蒼茫不可識空饒島嶼餘
雲烟城郭荒基已漫滅古鐵輪
囷埋平田邇時猝邁紅羊劫中原九
鼎幾播遷南狩宮人玉環失今名爰
志如車盤一聲白雁渡江後山
陬海澨多棄捐蹂躪兼經苦倭寇傍
海城池頻越巔

昔之膏腴遂蕪廢虎盤豹踞蛟龍纏就中梟獍肆搏
噬官府有令不敢前狼狽爲奸非一日幾議展復多
阻牽竭來李公諸弊湔赫然振興智勇全漢陽公子
才翻翩同心不受浮言煽招徠開闢手足胼綜覈侵
漁累萬千繕治城堞連雲端官俸兵糈如流泉經營
不費公家錢昔爲斥鹵今陌阡鯨鯢驅除兎雉眠建
閘築塘護海堧窮黎負戴爭相先農則耕芸賈者屨
卽今年豐歲多稔漸見耕鑿如堯年方外司馬迂且

鏤冰詩鈔

環洲集後

三

拙峻嶒瘦骨難曲拳坐握符篆十三載相安無事惟
醉眠久住漸與黎庶習量移頗覺心悽然瀕行寄語
後來者此邦閭井貧可憐僻遠幸沾

聖朝化撫官惟藉官長賢請看蜃樓鮫室外高帆巨柁多

樓船

鏤冰詩鈔
南巡恭紀四首
武林集目錄
口占
罷官
樓西試韻口占
客舍二首
小閣三首
感懷
立春
鏤冰詩鈔
卷五
一

武林集目錄
口占

南巡恭紀四首

罷官
樓西試韻口占

客舍二首

小閣三首

感懷

立春

鏤冰詩鈔
卷五

新春

獨坐

支筇

吳山

兀坐對雨旋晴口占

湖上二首

上巳西湖口占

泛西湖用趙半江提學原韻二首

次曹荔帷臯亭看桃花原韻

疊前韻

再疊前韻

醉歌行

靈隱寺

韜光寺

晚登吳山

出郭遊西湖北寺

鑊冰詩鈔

卷五

二

錢王祠

于忠肅墓

夏日湖上

早秋

久雨

秋泛

秋眺于柳浪聞鶯小閣

嚴陵舟中

七夕

砥齋鄭同年有四川按察之報因贈二首

和鄭生汝若原韻二首

買書

癸酉初度

暮秋移居偶成二首

思歸

偶成

鑊冰詩鈔

卷五

三

思歸

暮秋移居偶成二首

癸酉初度

買書

砥齋鄭同年有四川按察之報因贈二首

和鄭生汝若原韻二首

思歸

鏤冰詩鈔

武林集

易水單鈺著

南巡恭紀

翠輦時巡動地來

六龍行處卽蓬萊
觀風自有康衢樂
賦雪應多謝客才
方物九州徵

孝養

恩波南國荷春回
天公知候

鏤冰詩鈔

武林集

君王駕故遣遲開
玉樹梅

離宮別館壓湖濤
泉石欣承

顧盼頻松翠巧環

瑤殿迴花光遙映

赭袍新沙埏駐馬
聽歌鳥綠水浮舟
看躍鱗萬象崢嶸羣

獻媚應知海國有長春

睿聖天生仰我

皇文謨武烈照遐方
琴箏墳典千章煥
雲鳥旌旗八陣翔

海不揚波清島嶼山無伏莽樂黎甯車書玉帛來重
譯共戴

堯天萬載長

閭閻盡許識

龍顏童叟嵩呼祝

萬年

巡狩祇緣勤補助

遊觀非爲愛林泉日憑羲馭遵黃道星入辰垣拱遠天從

鏤冰詩鈔

武林集

二

此南方歌

過化長將

鑿豁眼中懸

罷官

罷官及秋夕頓爾一身輕對酒親三雅擲書抵百城
松楸思故里河漢見交情會有家山伴春來待耦耕

客舍

官罷猶存滿架書數椽儼得卽吾廬門前水長苔侵

戶窗外雲開月到除偶時小花三徑側閒臨名帖六
朝餘科頭自適天真趣夢裏還慙舊曳裾
削迹真同元亮傲長歌漫擬牧之豪已看細朶花枝
好詎耐空瓶酒價高獨把筇枝行落照還憑梧几咏
逍遙霜嚴莫道能摧蕙猶有松風瀉碧濤

小閣

風落蕭森獨掩扉任他車馬鬪輕肥和如柳下曾頻
黜傲似柴桑亦早歸檢點琴書囊乍重描摹面目髭

錢冰詩

武林集

三

新稀於今老矣無餘念好把漁竿傍釣磯

小閣凌虛短几憑自慙迂拙百無能秋風卧病清如
鶴夜雨愁吟冷似僧當局已甘今隱退幾人空惜舊
飛騰田堪種秫園堪韭從此扶身是瘦藤

重城閉戶卽山如滿眼蕭騷客意孤籬下有花憐耐
久枝頭無鳥勸提壺詩成堆徑題紅葉醉後抄碑撚
白鬚逸興畧同張記室萼鱸夢好卽歸吳

感懷

效顰自愧蒼顏老守拙應知歸計長倚伏塞翁曾失
馬繆悠岐路幾亡羊便從嶽麓隨盧杖更剪芙蓉製
楚裳得喪由來無異致豁然心地頓清涼

立春

城外春旗試綵鞭雨餘疎樹更含烟衆中酌酒迎新
歲愁裏題詩憶舊年已覺雲烟工作幻漸看花柳暗
爭妍江山麗景邀吟賞故國關心種秫田

新春

鏤冰詩鈔

武林集

四

一行弱柳拂烟輕幾樹寒花放晚晴不管羈愁添白
髮春風依舊繞孤城

獨坐

蒼茫感浮世徙倚向危欄人爲閒愁瘦春因細雨寒
好花開易謝太璞隱能完近識徵心訣楞嚴靜夜看

支筇

支筇恣曠覽風日喜初晴近水光浮郭春山麗入城
野花香引蝶林樹語遷鶯携伴多詩客閒題石上名

吳山

風口正清佳吳山眺望賒城邀聖湖住山倚浙江斜
白裕尋花伴青帘賣酒家春遊多意興處處暝烟霞
兀坐對雨旋晴口占

少女風來庭戶間掩關枯坐意幽閒如烟氣已縈春
樹似墨雲還生遠山條聽散珠垂點點旋窺墮月巧
彎彎陰晴變幻誰能主好爲羈人一解顏

湖上

鏤冰詩鈔

武林集

五

澗灩湖光似鏡清支筇悵望獨含情烟籠古樹多藏
寺嶺度殘鐘半入城山駐絮雲閒不散波涵珠月曉
還明却憐放鶴人仙去誰爲梅花作主盟

映水樓臺宛畫圖六朝風景最清娛綠莎蘚石叢冠
蓋碧浪蒲帆載酒壺月出幾人歌窈窕春來有客咏
蘼蕪鄉愁莫倚如山積且向磯邊狎野鳧

上巳西湖口占

春開圖畫西湖見人擁笙歌上巳沿傍岸山藏天竺

寺連畦水灌海寧田

西湖海寧輸稅以此水越杭城而入灌海寧田也

千秋

嘉遯思和靖一代風流憶樂天笑我衰顏燕地客也

來修稷治城邊

人冊 泛西湖用趙半江提學原韻

欲采明珠犯曉行湖光山意逗詩情鱗鋪細浪搖虛閣黛抹晴嵐入治城鐘挾梵聲和月到花欺人面逐雲生罷官饒有登臨興選石題詩醉墨橫

携客翛然鏡裏行扁舟容與散羈情山排玉案青連

鏤冰詩鈔

武林集

六

郭水泛桃花碧瀉城林墓梅同孤鶴老蘇堤柳共野花明機忘鷗鷺真堪狎醉向遙天短笛橫

次曹荔帷臯亭看桃花原韻

三春久負風光好病謝朝簪愧不早惆悵湖山坐笑人無繇扶杖一恣討投來新句爛披霞雜誦頻舒滿眼花深情白月孤雲迴逸興高天獨鶴斜治裝擬返松間屋勝日尋芳噉茗粥永與山川結靜緣更譯楞

巖叩尊宿

疊前韻

衰年不識春光好秉燭春遊須及早良時媚景忽若
馳紅菱綠謝何由討憶余年少癖烟霞三三徑繞黃
金花一行作吏風塵晚空惹新霜髻角斜臯亭羨子
結林屋飽看名花飢啜粥藜床十尺富琴書擬辦芒
屨一就宿

再疊前韻

連朝耳熟臯亭好十里五里春常早名葩偏解昵幽

鏤冰詩鈔

武林集

七

人酌酒携琴恣探討春深弄色如蒸霞千樹萬樹紅
桃花朱顏灼灼相輝映青鞵白裕風歌斜安能就縛
三間屋渴飲露兮飢啜粥洞口漁郎莫問津醉邀明
月花間宿

醉歌行

古今惟有醉鄉好此趣劉伶識之早肯教簪紱累胸
襟但向糟邱事搜討心如朗月面如霞醉筆怒生五
色花詩成潑墨常自誇鴻驚蛇舞空中斜幙天席地

勝華屋挈榼提壺當餽粥螺贏螟蛉何足問且向花
間一信宿

靈隱寺

紺宇明金地青山暮四圍虛亭羣翠入奇跡一峰飛
鳥語雜清梵雲嵐護衲衣憐余塵事繫催促晚裝歸

韜光寺

我愛韜光寺峻嶒幽意多探奇丹藥竈縱覽聖湖波
茶煮石間液雲邀亭際柯慙余鋒穎露涉世歎蹉跎

鑊冰詩鈔

武林集

八

晚登吳山

爲愛新晴好還來著屐遊江湖仍左右吳越自春秋
氣節前朝盛文章

昭代優相逢多寓客結伴醉樓頭

出郭遊西湖北寺

聊著尋山屐支筇一徑斜陰晴無定景開落有閒花
岫隱雲容幻巢營鵲語譁僧徒多舊識笑客未還家

錢王祠

青山如黛水醞醑不改當年舊畫圖莫道一隅非故
土依然冕玉對明湖

于忠肅墓

手持大計定山河例本春秋義不磨天誘北庭纔返
駕星沉南內遽操戈邀功復辟謀潛定駕罪通藩辨
奈何千載忠魂聖湖畔長同明月照清波

夏日湖上

十載倥偬憶往還而今緩步許躋攀紅欄碧檻波心

鏤冰詩鈔

武林集

九

出雙塔孤峰雲外閒酒泛荷香飄細細歌殘鳥語和
關關何須別占清涼國携鶴樓頭一解顏

早秋

一葉梧桐早報秋蕭然清興滿滄洲且依蔣詡開三
徑莫學張衡咏四愁桂樹月濃窺小苑鯉魚風便送
行舟冥鴻自有扶搖翼雌伏何妨伴海鷗

久雨

風落秋將老雲凝晝不明羅看門外布塵笑甌中生

啼樹鷓鴣坐沿途郭索橫何由共親故社酒醉西成
天賦秋泛

官去身閒萬慮輕况兼風物值秋清飄來紅葉欺花
艷到處澄波勝鏡明樓上吹簫誰寫恨沙頭旅雁正
多驚蕭疎賸有蘇堤柳自比甘棠蔭晚晴

秋眺于柳浪聞鶯小閣

捨舟敲杖步孤亭客裏登臨百感生玉露漸濃凋弱
柳金風乍放失流鶯池開鏡水分湖碧案倚屏山似

鏤冰詩鈔

武林集

十

畫明卽事憑欄舒遠眺橫空秋色旅魂驚

嚴陵舟中

踪跡依然記昔遊知憐迂拙愛清幽一灘迎送惟風
雨兩岸招邀只鷺鷗幻境方開難著脚迷途未遠擬
回頭終期偃仰空山裏松竹盤桓得自繇

七夕

天涯七夕奈愁何倚杖含情動客歌空有機絲雲樣
巧還傾珠淚月傍多佳期倏忽疑幽夢別恨迢遙指

逝波誰教光明碧空裏無端橫亘一銀河

砥齋鄭同年有四川按察之報因贈

報國勤勞髻早絲恩膏到處茂棠枝急流頻慕高人

退特達新邀

聖主知已繪流亡陳殿陛正需策畧鎮邊陲從今莫作歸

田賦銅鼓蠻烟待泐碑

自愧曾陪聽鹿鳴數年拂拭慰生平迂疎漫切濡衣
慮慷慨頻勞援手情風已作波難遽定雲還帶雨且

鏤冰詩鈔

武林集

七

長征誰憐湖畔羈棲客井絡頻窺向月明

和全榭山太史原韻

漂泊仍爲草莽臣還將幽趣洽清神月明涼倚庭前

樹風好閒尋池上蘋稚子縱嫌初學拙老妻能耐舊

時貧新詩幾首供陶鍊也得鉛中一粒銀

和鄭生汝若原韻

從古清名屬逸民美君棲隱越江濱舌耕亦有倉箱
樂詩戰爭看壁壘新道路抑揄難避鬼世情變幻豈

繇人隔墻門巷堪羅雀正好開懷共酒巡
笑許糟邱作酒民忘機擬傍漢江濱岐途迷孰分南
北陋巷交還得故新元結已甘稱漫士晦翁曾祇號
詩人家園風月如相待歸去孤松日幾巡

買書

信步城隅得異書擬將誦讀伴耕鋤重編目錄分庚
甲細檢遺亡訂魯魚集古更搜蟲篆帖問奇頻訪草
元廬從今解作殘年事尚友依稀樂有餘

鏤冰詩鈔

武林集

七

癸酉初度

鬢髮華髮感勞生回首波濤夢裏驚老至鄉邦應繫
念愁深花鳥漫多情池荷珠湛風初定梁燕泥啣雨
乍晴准擬乘舟試春水好携明月伴深耕

暮秋移居偶成

藜床堪偃息竹閣便登臨山色當窻見溪光映戶深
浮雲呈變態白月結同心莫論升沉事閒來一鼓琴
荏苒秋光老微吟月到初鄉心歸雁似旅况轉蓬如

誰結冰霜契，頻繙貝葉書。
繁花看漸謝，松菊夢吾廬。
思歸

解却塵纓剩得閒，春秋代謝換朱顏。
夢醒已厭波濤險，歸去頻愁道路艱。
塞雁自隨春北上，岫雲終擬暮飛還。
尋常茅屋三間好，爲囑鄰翁共買山。

偶成

蹉跌緣迂拙，排傾任嶮巖。
含情籌去計，屈指及春期。
種秫閒能遣，垂綸懶亦宜。
家山猿鶴伴，竚望已多時。

鏤冰詩鈔

武林集

鏤冰詩鈔

歸田集目錄

秋風

歸來

十畝

忽憶

卜居四首

友人山莊

鏤冰詩鈔

卷六

述懷

過亢各庄贈兩蒼先生

五十七初度

客至

閒居二首

看紅葉口占

讀山薑詩二首

過友人山居

春日偶成

遊山寺

長日

秋日過孔山

州治聽角軒和黃使君韻

州治聽角軒用方孝廉韻呈黃郡伯

源泉行用方孝廉韻呈黃壺溪郡伯

久矣

鏤冰詩鈔

卷六

二

初至雲亭

中秋日黃使君招飲山亭聽泉玩月二首

源泉山居

秋日郊行

小園

紅梅和韻二首

友人餽茶口占二首

六十五生日

抱病

無能

幽居

五畝

和黃壺溪郡伯九日招飲雲亭原韻三首

黃金臺首

支筇

漫興

鑊冰詩鈔

卷六

三

題畫蘭

題卷綸圖二首

題畫二首

種菸葉口占

贈居士張靖庵西席王孝廉霖蒼

贈居士張靖庵

看菊山中

雲亭有憶

孫家庄訪趙方子

齒落

藜杖

歸雁

有地

乘興

郊行

有感

鏤冰詩鈔

卷六

四

漫成

湯孝廉東山餽笋

掩扉

春至

偶憶

生日二首

自喜

過孫家庄讀書處

源泉樹下小憇

重至雲亭憶黃使君

山北李玉華留宿賦贈

華髮

送趙方子敬思兄弟之任

方竹杖

贈南皮張同年併乞分惠菊花

除夕偶成

鏤冰詩鈔

卷六

新春試筆

栽花

訪山家

遊開元寺

重九登山閣

對菊

偶成

歸田

自笑

迷途

勇退

東隣

重遊源泉

返駕

晚眺

偶憶玉環田間風味欣然成句

鏤冰詩鈔

卷六

六

歲暮

春初

雙燕

重遊源泉

東湖春山閣

領燕

燕燕

自笑

鑊冰詩鈔

歸田集

易水單鉅著

秋風

秋風颯颯至。清商振遠林。幽蟲當戶織。高蟬抱樹吟。
春燕來幾時。宵征變寒禽。人生一逆旅。時序何駸駸。
榮名苦不早。令德素所欽。願比幽蘭操。庶幾君子心。

歸來

解組歸來萬慮澄。但將書史作儔朋。儘教清瘦形同

鑊冰詩鈔

歸田集

一

鶴一任慵疎。味似僧。孟德休悲伏櫪。馬莊生漫話徒。
南鵬何如泥飲陶居士。只擬扶身借短滕。

十畝

十畝閒閒興有餘。盤桓松竹愜幽居。閉門省識塵中
客。開卷長親篋裏書。敲枕看雲歸遠岫。停杯待月照
前除。春風漸次吹新暖。擬為尋花策蹇驢。

忽憶

忽憶柴桑麩米春。停舟浪裏急收身。夢拋蕉鹿空中

幻樂覓鳶魚。現在真。況有琴書堪尚友。兼饒松菊足
怡神。囂囂玩世吾何敢。獨愛疏狂暱酒民。

卜居

五畝初成宅。扶筇樂趣關。雲歸心共遠。月近意同閒。
疎密園中柳。橫斜牆外山。濁醪常在手。相對鬢毛斑。
種竹堪爲杖。橫床亦有書。悠悠忘老病。落落任迂疎。
細酌花當戶。微吟月在除。偶然共鄰叟。閒與話耕鋤。
希世愧何能。歸山田可耕。愛勞身喜健。習靜氣常清。

鏤冰詩鈔

歸田集

二

課僕耘蔬圃。教兒煮藥鑊。有時禪客至。雜坐說無生。
顏衰已就老。短髮不勝梳。迂拙從吾慣。拘牽任客疏。
懶還親史冊。閒或註蟲魚。因此希酬酢。終年閉草廬。
友人山庄

匹馬秋山道。言尋舊好居。門無題鳳字。案有相牛書。
綠酒浮蛆在。新詩濯錦如。清談消夜永。乘月步階除。

述懷

強年拋紫綬。短髮傍黃花。苦病嘗辭酒。銷閒自煮茶。

林泉仍戀

主木石且營家誰是同心者天空片月斜

過亢哥庄贈雨蒼先生

地僻宜幽性人閒足野情壺觴隨杖履星月入簷楹
琴古通千載書多擁百城偶然成短詠題石不書名
五十七初度

榴花如火柳如烟又值懸弧暗自憐飽涉風霜已廿
載欠週甲子只三年孤情對月清宵立倦意看雲白

鏤冰詩鈔

歸田集

三

晝眠兒女團圞忽惆悵念同辛苦愴離絃

客至

蓬門近市晝常關何幸幽人數往還爲倩清風掃短
榻更招翠巘代雙鬟年華荏苒空前夢松竹盤桓慰
老顏莫再慙勤商出處半生得計是偷閒

閒居

主木
閒窻欹枕愛吾廬省向權門慕曳裾願與世疎甘獨
處懶從人熟得幽居當庭月到催沽酒入座風來代

展書聞道清霜昨夜淺携筐扶杖剪園蔬
重闢雲關葺故廬閉門還讀舊藏書沽來村酒清堪
醉摘得園蔬脆可茹冬病只因詩興劇寡交一任世
情疎秋潭潦盡寒如洗欲覓青簑伴老漁

看紅葉口占

西山檜葉作秋妍漫學江南烏柏丹乘興一樽還坐
嘯晚霞遙映蔚藍天

讀山薑詩

鏤冰詩鈔

歸田集

四

玉溪宗旨有師承搜盡幽竒考較精何以鑿坡行未
得天教節鉞擅詩名

左宜右有皆清麗思與漁洋並轡馳僻事被君驅遣
盡髯仙應笑不同時

過友人山居

言尋故交去野徑舊曾諳地曠容歌咏亭虛納翠嵐
談元希道德論法証瞿曇愛我投佳釀陶然一醉酣

春日偶成

春回轉斗柄和氣靄庭除細葉分垂柳新花出野蔬
壯懷消髣髴樂意對琴書況有山間月頻來伴索居
遊山寺

遊期無定處隨意叩禪關石卧多侵徑亭空半倚山
烏馴隨客下雲倦與僧閒流覽極幽趣夕陽人未還
長日

長日苦陽驕閒行破寂寥宅荒五畝在心靜百憂消
樹借隣陰近花移異種遙有時當月皎還擬舉杯邀

鏤冰詩鈔

歸田集

五

秋日過孔山

息心遊物外乘興及秋前疎樹圍茆屋間雲覆隴田
一星還伴月萬笏競朝天安得離塵塊青山共結緣
州治聽角軒和黃使君韻

神龍聽以角至聰達空廓堅剛已足貴昭察真無怍
詎謂一拳石突兀儼相若兩峰相對出四竇通關鑰
彷彿霧雲生疑是星精落好奇壺溪公輦傍蓮花幕
疎密蔭榆槐點綴雜芷若卓爾芳卉中稜稜意磅礴

凝睇成默契遂以顏新閣觸目警心思奧義於焉托
念彼百相感惟聽爲恢拓甘言乃吾疾苦言乃吾藥
孰爲攻玉助孰爲冶金躍孰爲面欺謾孰爲意忠愕
何者爲慈仁何者爲毒蠱兼聽折其中專心思民瘼
風厲俱火烈儻柔戒水弱先哲有遺言寬猛在斟酌
匪獨代嘉肺還以比木鐸邈矣躔錯心詎止泉石樂
吏道久龐維聾曠鮮昭灼安得我公來英特解盤錯
樹道希高華守已務檢約好嗜陋葉龍治行符張雀
伊余迫桑榆萬象窺冥冥混迹托喧囂遙情寄邱壑
優游藉棠蔭相於慕淡泊巖巖道乃卑硜硜天不鑿
掉首勉成章聊用資嗚喙

州治聽角軒用方孝廉韻呈黃郡伯

閩漳郡伯人中仙披星戴月心長閒旣擅雄才理煩
劇復饒逸韵恣遊觀小築初成曰聽角緣得石以名
新軒爲道此石得甚竒窮探遠致幽巖顛兩峰突兀
如龍角下繞水浪疑雲烟誰鑿混沌通靈竅時雨灌

注如鳴泉亦有他石狀竒傑此石後出爭新妍天地
爲鑪造化治鼓舞清興生孤騫騷客詞人時宴坐恍
惚諦聽談元言叙成屈曲復歷落文短意長蛟龍蟠
搜索枯腸和鴻製氣味難免儒生酸但願他年雲與
龍堅貞常憶平生歡

源泉行用方孝廉韻呈黃壺溪郡伯

洪崖排空高挿天太嵬馬首西鈞連千巖萬壑盡竒
異就中最勝曰源泉泉出北嶺注東南逶迤城郭滋

鏤冰詩鈔

歸田集

七

絲芊古人遺跡久堙滅昔日漣漪今荒阡偉哉牧伯
閩海傑謀復舊制身仔肩經營一載殫心力潑洄十
里生清妍石闢有二石壩一橋梁鱗次規牢堅支分
兩派會遶郭岸栽桃柳容便娟初構雲亭倚峭壁坐
覽花村環晴川以安名河

九重錫畿輔景物增新篇慙余老病艱足力聞此目斷心
懸牽杖策屈曲覽幽勝憑欄長嘯忘華顛深者如淵
淺如沼時聞清韻如鳴絃文魚跳躍彩翼翻目不暇

給竹石邊佛家福地落吾易身入畫圖疑飛仙武陵
雞犬何足數輞川風物思依然君不見鄭公渠蕭公
堰政成惠愛金石鐫我公繼起堪輝映定有芳名萬
載傳

久矣

久矣無公事悠然閉竹關繞門陶令柳入戶米家山
客至尋微醉僧來論大還近時欣得句多半寫幽閒

初至雲亭

鑾冰詩鈔

歸田集

八

亭臺驚乍起巖巘憶曾登山遠通榆塞溪幽疑武陵
耕樵民業儉嘯咏客懷澄寂寞前朝寺談空問老僧
中秋日黃使君招飲山亭聽泉玩月

危亭俯水共招邀何似南樓主客豪乍覺清琴聞逸
調如窺白兔數秋毫人逢靜處機能息景到幽時興
轉高安得年年同此宴相親光霽飲醇醪

由來水月本雙清山半亭開異境生泉湧浪翻圓影
碎月懸鑑徹細流明林穿匹練窺成色曲奏霓裳聽

有聲願與我公同衆樂隨時歌咏答昇平

源泉山居

一水清如鑑。秋暉靜可攀。人烟紅樹裏。亭榭碧雲間。
樵客侵晨出。漁竿傍月還。終當結茅屋。長住此溪山。

秋日郊行

秋深雁陣斜。乘興命巾車。川遠連榆木。溪流帶蓼花。
遨遊借鹿豕。談笑拂烟霞。月上催歸騎。嚴城起暮笳。

小園

鏤冰詩鈔

歸田集

九

小園柿葉競肥鮮。不數江南楓葉丹。向夕開樽聊覓句。一天寒月下欄干。

紅梅和韻

似著時粧媚艷陽。還饒瘦骨壓羣芳。可人自有風標。
兀試認黃昏一段香。

畧點胭脂敷玉肌。蕭然遺世足丰姿。瑤臺夜宴羣仙集。彷彿瓊妃欲醉時。

友人餽茶口占

鴉山鳥嘴謾稱竒日注旗槍詎可期怪覺連朝春信
好欣看一介露團貽纔開方印香生篋旋試圓花碧
漾匙慚愧仙靈通未得賴消孤悶獨題詩

呼童汲水向山池陸羽茶經活火宜自煮湯含魚眼
聚漸看碧散乳花披金經欲啟風清候玉塵頻揮月
到時笑把冰瓷傾數椀擬澆靈府沁詩脾

六十五生日

花甲週餘五載多蜉蝣天地奈愁何閒中聽鳥調新

鏤冰詩鈔

歸田集

十

曲病裏看經驅舊魔已息壯心拋薄宦祇存微尚付
清歌年來戒酒難尋醉鎮日支頤對碧莎

抱病

經旬抱疴閉閒門題鳳由他笑俗人掃地焚香堪送
老談棋賭酒偶邀賓風庭鳥語笙簧似雨壁蝸行蚪
蚪新乘興偶然成短咏維摩曾示病中身

無能

人世無能合閉關小園幽事未全刪種蔬半畝思風

味栽竹千竿愛淡閒荒徑也宜留皓月短牆好與露
青山微吟醉曳筇枝瘦又聽蟬鳴和樹間

幽居

秋到幽居冷年催白髮新清無塵事擾閒與古書親
菊傲堪爲友雲癡莫贈人瘦身渾似鶴一任髻如銀

五畝

五畝開三徑千峰列四圍屋寒雲作蓋墻老薛爲衣
野客邀僧至童牛認母歸一樽閒就菊夕露任霏微

鏤冰詩鈔

歸田集

七

和黃壺溪郡伯九日招飲雲亭原韻

朱芾招邀碧澗環郊行並轡盡歡顏沿溪花柳遙連
郭照眼亭臺半倚山攬勝已教看葑圃探幽屢爲啟
雲關萸囊菊酒酌佳節戀賞斜陽未擬還

陋我看花傍短籬却教引勝到巖岬披星戴月曾同
夢問水尋山此一時蕭堰有名應不朽甘棠勿拜可
前期他年若繪題糕客記倚青籐杖一枝

孤亭新構白雲端俯仰能教俗慮寬命酒恰宜秋水

碧吟詩好對晚楓丹烟籠老圃花情淡月漾澄潭鷺
影寒高會自慚容老病茱萸頻把醉中看

黃金臺

高臺廢址駐寒烟千載遺踪劇可憐市駿英才傳自
隗爭雄伯業竟推燕蒼茫往事浮鷗散疑信荒邱野
老傳落日西風盤俊鶻幾回徙倚對遙天

支筇

支筇携榼向東郊只爲春生景色饒二月風和紅破

鏤冰詩鈔

歸田集

十一

蕊一溪烟重綠垂條衰殘觸物翻多感倦懶逢人畏
見招最喜僧寮與道院松聲竹影兩蕭蕭

漫興

懶向紅塵聽鳥鳴歸來十載卧柴荆林間客到犬無
吠池上人間鳥不驚興至開樽邀月共機忘倚杖看
雲行門前舊種陶潛柳喜占新陰半畝清

題畫蘭

叢竹依片石幽蘭生其側山空不見人芳芬自郁烈

題卷綸圖

坐石聊依柳臨淵不羨魚忘機真自得極目入清虛
靜對水洋洋無言意自長依然濠上趣可以想蒙莊
題畫

蒼山重疊一溪流畧約橫斜野逕幽定有幽人此樓
息碧雲深處綠楊樓

山迴嶺複澗溪斜片石橋通野客家秋色宜人舒遠
望蕭蕭霜葉散紅霞

鑿冰詩鈔

歸田集

三

種菸葉口占

桔槔聲響徹郊郭灌溉恒憂井脣枯共道神農本草
外驅寒猶有淡巴菰

贈居士張靖庵西席王孝廉霖蒼

欲學晦翁晦暫依居士居林花垂講席山鬼笑行輿
意氣雲霄上文章錦繡如可能許偕隱同此註蟲魚

贈居士張靖庵

幾度驅車過常留居士家到門先問竹對酒更判花

茅屋書聲隱松亭鳥語譁好山欣在眼夕翠滴蒹葭
看菊山中

昨夜輕霜滿故林疏枝冷蕊意相親山靈邀我前溪
去暫與寒花作主人

雲亭有憶

蒼蒼古柏覆雲亭面水依山背石屏記得風流賢刺
史邀賓揮麈坐談經

孫家庄訪趙方子

鏤冰詩鈔

歸田集

齒

携筇依夕照迢遞見荒邨一水出林麓雙峰映蕚門
暮鐘山寺迴高樹野禽喧中有幽人住繩床印膝痕

齒落

甚矣吾衰病舌存齒半亡空懷松芥美漫擬棗梨香
欲種方難覓古鄧雲翁有種齒方當餐嘆每長期願徒自苦慚

愧古張蒼

藜杖

識拔蓬蒿裏因依任所之雖云材易得頗與老相宜

滑可同藤把輕堪並竹携最哉應努力行矣待扶持

歸雁

客裏思歸急風中欲住難將雛愁遠道懷侶念深寒
瀚海餘樓館衡陽認落灘翻欣籬下鷄長得一枝安

有地

有地數弓堪種竹喜當佳日更分花老農老圃從吾
學呼馬呼牛任客譁矯首笑看雲隊幻停杯靜對月
痕斜田園日涉聊成趣緩步何須駟馬車

鑊冰詩鈔

歸田集

十五

乘興

乘興何妨晚閒行更舍車聽人談塞馬邀客看濠魚
道險憑藜杖寒深就草廬歸遲待涼月清影伴舒徐
郊行

隨意支筇出閒尋一徑微快晴農競獲得食鳥爭飛
高嶺晚雲薄疎林秋葉稀清歌聞牧子頭插野花歸
有感

冰霜堆髻髮衰病漫躊躇故友重泉隔新知對面疎

無言向雲月寄興訪樵漁晚醉南窗下還看舊讀書

漫成

僦居邇市肆托興寄林泉冒雨尋芳菊臨風聽暮蟬
時從漁父釣偶向酒家眠清夢極遼濶無懷與葛天

湯孝廉東山餽笋

三徑擬收松落子一籠驚見竹成胎雲嵐風嶺從兒
鬪犀角貓頭任客猜無用尋山叅玉板却應敲句咏
春雷齏厨素儉今稱富笑爲加餐倒瓦罍

鏤冰詩鈔

歸田集

夫

掩扉

一身耽靜寂終日掩雙扉徑草香沾屐庭花色染衣
衰顏怯鳥道生計托漁磯果腹尋常得春山有蕨薇

春至

戢翼囂塵裏置身夷惠間敲詩酌白日縱酒對青山
樹老花常少園荒草待刪經年稀客到門設笑常關

偶憶

汝懦歸難定吾衰慮轉多愁深隱鳥几夢斷隔黃河

喜懼心應繫行藏義莫訛陽關遲雁信何以慰蹉蛇
生日

正切生初感何來客歎扉周旋拋杖竹晏飲雜山薇
人誤推耆舊年慚過古稀笑談忘拘束薄醉任天機
初度及長日衰遲已暮年敢矜閒自適祇畏老多愆
蕉鹿拋塵夢林泉暱醉眠含情看戲綵小小正堪憐

自喜

自喜歸田久殊無噩夢牽習勞筋力健識小豸蟲箋

鏤冰詩鈔

歸田集

七

人每呼迂叟行還避少年秋來桑落熟覓醉對陳編
過孫家庄讀書處

昔日遊觀地重來蔓草生無端前締造漫爾此頽傾
鴻雁棲難定雲烟態易更惟欣西嶺月依舊向人明

源泉樹下小憩

流水寒仍在秋根坐可憑會心隨處得幽興逐時增
酒約山巖月經談嶽寺僧倦來扶短杖誰識意如水

重至雲亭憶黃使君

孤行扶杖陟雲亭。放眼乾坤入杳冥。濃淡山情閒可辨。短長水調細堪聽。久知世態機難測。誰信名場夢易醒。嘆息經營人已沒。空將濁酒對寒汀。

山北李玉華留宿賦贈

乍睹竒峰環戶外。兼逢好友話燈前。相看對榻憐華髮。憶昔同遊共少年。噩夢笑余蕉鹿幻。快心羨子水雲偏。近來戒酒緣多病。勉爲擎杯一駟然。

華髮

鏤冰詩鈔

歸田集

六

婆娑華髮玩斜暉。回首烟霄故舊稀。白月多情相向老。青雲何意亦知歸。山窗聽雨朝移榻。池館攤書晝掩扉。敢把輕塵看富貴。却因知止遂初衣。

送趙方子敬思兄弟之任

同胞同第復同官。信是前生有夙緣。寶重連城聲奕奕。霜清行旆色翩翩。閭閻疾苦周知矣。遲暮功名願勉旃。老我衰殘餘白髮。春風拭目待鸞遷。

方竹杖

霜筠堪倦倚標格邁前聞圓轉肯隨俗廉隅自軼羣
撥來雲四散擔去月平分未許模稜者相於共此君
贈南皮張同年併乞分惠菊花

憶昔朱顏同月滿慚今白髮共霜寒談深那解冬宵
永別遽眞愁再會難况以衰殘時歲逼兼之迢遞水
雲漫癡情更約分花本知向東籬幾度看

除夕偶成

荏苒年華自愴神蹉跎世事詎堪論功名業已輸時

鏤冰詩鈔

歸田集

九

輦言行何由繼古人老態深慙蛇赴壑閒愁無那鳥
鳴春蒼顏雪髻誰憐女獨向長空悵望頻

新春試筆

齒豁頭童笑老翁久將榮悴任天公晚年事業間吟
足早歲聲華春夢空愛讀舊書嫌久坐厭聞雜事喜
新聾經旬病肺惟高枕不效前賢泣路窮

栽花

雨霽襟懷爽風微眺望賒病猶思命酒老未倦栽花

莫剪蓬蒿逕從譏農圃家叩關無俗客旦晚呢烟霞

訪山家

寒溪綠如鴉怪石形似鹿茅屋兩三椽故人此托足
踏蘚叩柴扉入門坐山址隨意具野肴揖讓見二子
截水烹晚菘切玉膾雙鯉日暮握手別相顧躊躇起
步出青冥中回首白雲裏

遊開元寺

名藍邀我幾幽探地據中央十畝寬槐古蔭驅三伏

鏤冰詩鈔

歸田集

三

暑鐘清曉徹一城寒當年金碧全消滅此日規模尚
甲觀歎息廢興思構造姓名埋沒蘚碑殘

重九登山閣

昔年高會遽成塵復此登臨感慨新丹葉有情仍泛
水黃花無恙漫依人僧殘指點談興廢客醉荒唐論
果因笑我秋來蘇病骨又將歌咏答蕭辰

對菊

扶杖荒園欲暮時寒香正色見疎籬好將華髮蕭蕭

映恰與秋光淡淡宜霜下弄姿同傲岸風前獨立共
撐支自慚遠遜前賢達也許閒來一賦詩

偶成

七十四年驚轉瞬蒼顏華髮久稱翁冰淵臨履身猶
在圖史縱橫室未空謝客任疑門故掩負暄獨喜日
當中箏調碧落牽絲好笑睨兒孫戲晚風

歸田

歸田希俗擾終日閉柴荆杖倚溪風入詩吟夕月生

鑊冰詩鈔

歸田集

三

三間容坐嘯十畝可深耕偶遇談禪客茶煎折脚鎚

自笑

自笑忙何事因閒忙轉多分籤標史乘插竹記花窠
入夜還邀月凌晨已放歌衰年疎懶甚藉此葆天和

迷途

迷途嗟未遠知止笑于今安得希三樂惟堪守四箴
浮蛆盈盎酒掛壁斷絃琴倚杖欣多暇還爲長短吟

勇退

勇退非高尚。全身慕卷藏。交遊疎入淡。踪跡懶疑狂。
縱飲輸稽阮。談詩愛孟王。孤行從我好。一任客雌黃。

東隣

歸來準擬傍烟霞。擇里東隣似孟家。更喜閒園好風景。隔牆遙望馬纓花。

重遊源泉

昔年遊賞處。重到感懷生。臺榭徒遺址。溪山空有情。
洲渟魚尚躍。樹密鳥還鳴。徙倚斜陽外。歸輿待月行。

鑊冰詩鈔

歸田集

三

返駕

返駕迷途往莫追。一邱一壑許棲遲。斜川月上應呼酒。愚谷雲歸好賦詩。點筆幾番窮物態。潛踪尚許樂清時。行年七十餘還健。竹杖芒鞋任所之。

晚眺

婆娑雙鬢色。徙倚夕陽天。覓句花初放。懷人月漸圓。
渾忘老境逼。尚詡素心偏。安步舒懷抱。空林聽暮蟬。
偶憶玉環田間風味欣然成句

覆屋多黃葦。比隣半老漁。晨春香稻米。晚拾落湖魚。
瓜釀堪爲酒。篋輕可代車。自誇生計好。不愛府城居。
歲暮

春初

老病頻增劇。可憐歲當新。舊轉悽然前。塵恍惚拋前。
夢後事蒼茫。信後緣入岫。雲歸輕似縷。近山日落疾。
如弦。精神榮瘁隨時易。始信須臾是百年。

鏤冰詩鈔

歸田集

三

泯心無諸相。行游清天邊。月到忘賓主。澗底松寒見。
性情惟有詩。魔消未得吟。哦時作知長聲。

右鏤冰詩鈔六集

先君子宦遊所至及退歸林下數十年怡性陶情之作也先大兄於丙申已編次成帙欲刻未果茲又廿餘年矣道泰等恐日久散佚爰付剞劂俾遺編弗墜而風木倍益餘悲矣時

嘉慶壬戌年九月既望男道謙孫宗榮等盥手謹誌

鏤冰詩鈔



嘉慶壬戌年九月既望男道謙孫宗榮等盥手謹誌
而風木倍益餘悲矣時

翁平矣嶺泰善慈日八道舟受於廣
洲轉數載與劉
斗山次大兄於丙申已編次成帙欲刻未果茲又廿

我昔于宦遊所至及退歸林下數十年怡性陶情之作也

右鏤冰詩鈔六集



